

होआ। ओडिशा व कुल 62 लक्ख 87 जहार 222 मतदाता न जेहड़े वोट पाने दे अपने अधिकार दा इस्तेमाल करगंन।

<><><><><><>

PM-Bihar

बीजेपी दे वरिष्ठ लीडर ते प्रधानमंत्री नरेन्द्र मोदी होर अज्ज बिहार च त्रै चुनावी रैलिंगं गी संबोधत करगंन। मोदी होर हाजीपुर च प्लजेपी प्रमुख चिराग पासवान हुंदे समर्थन च इक रैली गी संबोधत करगंन। चिराग पासवान होर अपने पिता सुर्गवासी रामविलास पासवान हुंदी इस रिवायती सीट थमां चुनां लड़ा'रदे न। राष्ट्रीय जनता दल नै हाजीपुर सीट थमां साबका मंत्री श्योचन्द्र राम होरें गी मैदान च तोआरेआ ऐ। मोदी होर एनडीए मेदवार दे समर्थन च मुजफ्फराबाद ते छपरा च दो होर जनसभाएं गी संबोधत करगंन।

<><><><><><>

Lok Sabha

उत्तर प्रदेश च कल बक्ख-बक्ख राजनीतिक पार्टिं दे वरिष्ठ नेताएं ते स्कार प्रचारकें राज्य च चुनां प्रचार कीता। बीजेपी दे वरिष्ठ नेता ते केन्द्री गृहमंत्री अमित शाह होरें कल वाराणसी च पार्टी दे मीडिया सेंटर दा उद्घाटन कीता। उनें अज्ज होने आले प्रधानमंत्री नरेन्द्र मोदी हुंदे रोड शो कन्नै जुड़ी दिएं तैआरिं दा बी जायजा लैता। वाराणसी च मंगलवारें प्रधानमंत्री हुंदे नामांकन भरने पर तैआरियां जोरें पर न। कांग्रेस नेता प्रियंका गांधी वाड्रा होरें कल अपने चुनां प्रचार अभियान दी शुरूआत रायबरेली संसदीय खेत्तर दे हरचंदपुर खेत्तर थमां कीती। उनें आखेआ ऐ जे रायबरेली च जेहड़ा बी विकास होआ ऐ ओह कांग्रेस दी वजह कन्नै गै होआ ऐ। समाजवादी पार्टी दे प्रमुख अखिलेश यादव नै बाराबंकी च भारतीय गठबंधन दे मेदवार तनुज पुनिया दे समर्थन च इक राजनीतिक रैली गी संबोधत कीता ते मगरा उनें मोहन लाल गंज ते लखनऊ निर्वाचन खेत्तरें च प्रचार कीता।

<><><><><><>

PM-ST

पिछली कांग्रेस सरकार दी तुलना च अनुसूचित जनजाति समुदाय दे बजट च केई गुणा बाद्धा कीता गेआ ऐ। अनुसूचित जनजाति समुदाय दे विद्यार्थिं गी बी स्कालरशिप दित्ती गई ऐ। प्रधानमंत्री ते बीजेपी दे वरिष्ठ नेता नरेन्द्र मोदी होरें कल आरामबाग लोकसभा हल्के थमां पार्टी दे मेदवार दे समर्थन च हुगली दे पुरगुडा च एह गल्ल आकखी ही। श्री मोदी होरें आखेआ ऐ जे बंगाल ईश्वरचंद विद्यासागर दी धरती ऐ पर तृणमूल कांग्रेस दे राज च कांग्रेस दी शिक्षा प्रणाली इत्थें खत्म होई गई ही। उनें इब्बी आखेआ ऐ जे पच्छिम बंगाल च अध्यापकें दे भर्थी घोटाले नै राज्य दी प्रतिष्ठा गी ठेह पजाई ऐ।

<><><><><><>

Olympic

पैरिस ओलंपिक 2024 च 5 पलोआन शामिल होंगन जिंदे च 5 महिलां न। अमन सहरावत ते निशा दहिया नै इस्तांबुल, तुर्की च विश्व ओलंपिक कुश्ती क्वालीफायर च भारत दे कोटें दी गिनतरी 6 तगर पजाई दित्ती। एहदे थमां पैहले 50 किलो वर्ग च विनेश फोगाट, 53 किलो

वर्ग च अंतिम पंधाल, 57 किलो वर्ग च अंशू मलिक ते 76 किलो वर्ग च रीतिका हुडा पैहले गै बक्ख-बक्ख क्वालीफाइंग समारोहें च पैरिस खेड्डें आस्तै क्वालीफाई होई गेदे न।

<><><><><><>

IPL

आईपीएल क्रिकेट च कल खेड्डे मैच च रॉयल चैलेंजर्स बेंगलोर नै दिल्ली कैपिटल्स गी 47 रजें कन्नै हराई दित्ता। एम.चिन्नास्वामी स्टेडियम च पैहले बल्लेबाजी करने उतरी दी रॉयल चैलेंजर्स बेंगलोर नै तैह 20 ओवरें च 9 विकटें पर 187 रंज बनाए। बेंगलोर आस्तै रजत पाटीदार नै 62 रंज ते विल जेक्स नै 41 रंज दा योगदान दित्ता। 188 रंज दे लक्ष्य दा पिच्छा करने लेई उतरी दी दिल्ली कैपिटल्स नै पूरी टीम तैह 20 ओवरें च शडे 140 रंज पर गै सिमजी गई। दिल्ली आस्तै कप्तान अक्षर पटेल नै 57 रंज दी पारी खेड्डी। इक होर मैच चेन्नई सुपर किंग्स नै राजस्थान रॉयल्स गी 5एं विकटें कन्नै हराइयै जित्त हासल कीती। अज्ज संजा साढे 7 बजे अहमदाबाद दे नरेन्द्र मोदी स्टेडियम च गुजरात टाइटंस दा मकाबला कोलकाता नाईट राईडर्स कन्नै होग।

<><><><><><>

Nepal

नेपाल दे मन्ने परमन्ने दे पर्वतारोही कामी रीता शेरपा होरें माउंट एवरेस्ट पर सब्बने थमां मती बारी चढने दा अपना गै रिकार्ड त्रोडी दित्ता। 54 ब'रे दा एह पर्वतारोही कल 8 ज्हार 8 सौ 49 मीटर उच्चे इस शिखर पर 29मीं बारी पुज्जे।

<><><><><><>

Cam Ranh Bay

भारतीय नौसेना दा पोत किल्टान वियतनाम दे कैम रैन बे पुज्जा। एह भारतीय नौसेना दे पूर्वी बेडे दी परिचालन तैनाती दा हिस्सा ऐ। भारत ते वितयनाम बश्कार व्यापक रणनीतिक भागीदारी ऐ। इस यात्रा कन्नै दौनें मुख्खें बश्कार दोस्ती ते सैहयोग होर बदोग। भारतीय नौसैनिक दे सांझे उद्देश्यें गी दर्शादे होइ पेशेवर ते समुदायिक संपर्क ते समाजिक आदान-प्रदान पर केन्द्रित करना ऐ। एह भारत ते वियतनाम दी नौसेना बश्कार समुंद्री सांझेदारी अभ्यास दे कन्नै संपन्न होग।

<><><><><><>

NCRTC

दिल्ली गाजियाबाद मेरठ आरआरटीएस कॉरिडोर उप्पर चलने आली नमो भारत रेल च यात्रिएं दे सफर गी होर मता बेहतर बनाने आस्तै राष्ट्रीय राजधानी क्षेत्र परिवहन निगम यानि एनसीआरटीसी नै यात्री संतुष्टि सर्वेक्षण 2024 दी शुरूआत कीती ऐ। एह सर्वे 15 जून तगर चलोग। आरआरटीएस दे अधिकारिक ऐप ते वैबसाइट दे राएं यात्री इस सर्वे च हिस्सा लेई सकदे न। एनसीआरटीसी नै दस्सेआ ऐ जे इस सर्वे दा मकसद नमों भारत रेल दे संचालन, स्टेशनें ते पूरी यात्रा अनुभवं दे बारे च यात्रिएं शा जानकारी हासल करना ऐ। एनसीआरटीसी नै इब्बी दस्सेआ ऐ जे इस सर्वे कन्नै हासल जानकारी दे आधार पर नमो भारत रेल दी

सेवाएं गी होर मता बेहतर बनाया जाग। नमो भारत रेल दे शुरू होने शा हुन तगर 10 लक्ख थमां बद्ध यात्री सफर करी चुके दे न।

<><><><><><>

Weather

मौसम विभाग नै अगले त्रऊं दिनें तगर देशै दे पूर्वी, मध्य ते दक्खन प्रायद्वीपीय खेत्तरें च गरज दे कन्नै-कन्नै अंधी झक्खड़ ते बरखा दी पेशगोई कीती ऐ। पच्छम खेत्तरें च इस म्हीने दी 16 तरीक थमां गर्म मौसम बनी जाग। जम्मू कश्मीर, लद्दाख, गिलगित, बाल्टिस्तान, मुजफ्फराबाद, हिमाचल प्रदेश ते उत्तराखंड दे किश हिस्सें च क लते राजस्थान च 16 तरीक तगर बद्धल दे कन्नै बरखा होग। उत्तर प्रदेश ते दक्खन राजस्थान दे मैदानी इलाकें च 40 किलोमीटर प्रति घेंटे दी रफतार कन्नै धूड़-मिट्टी आली ब्हाऊ चलने दी मेद बुज्झी ऐ। मौसम विभाग नै दस्सेआ ऐ जे सौराष्ट्र ते कच्छ च अगले 5एं दिनें दरान गर्मी ते गुम्मा बने दा रौहगं दिल्ली च मौसम साफ रौहग ते कुतै-कुतै हल्की बरखा होई सकदी ऐ। अज्ज दा बद्धोबद्ध तापमान 40 डिग्री सैलिसयस दे कोलकोल रौहग।

<><><><><><>

Morning Dogri (NSD) National News Bulletin 08-04-2024

आकाशवाणी

खबरां प्रोमिला जम्वाल कोला।

6. बक्ख-बक्ख सियासी पार्टिं दे बड्डे लीडरें लोकसभा चुनां प्रचार लेई रैलिं ते रोड शो आयोजित करा'रदे न।
7. भारती जनता पार्टी दे वरिष्ठ लीडर ते प्रधानमंत्री नरेन्द्र मोदी बीजेपी दे मेदवारें दे समर्थन च अज्ज संजा महाराष्ट्र दे चन्द्रपुर जांगन।
8. लोकसभा चुनां दे दुए गेड़ लेई नामांकन भरने दा अज्ज खीरी ध्याड़ा ऐ।
9. सेना दे त्रौनें अंगें दा इक रोजा कांफ्रेंस "परिवर्तन चिंतन" अज्ज आयोजित कीती जा'रदी ऐ।
10. भारती मौसम विभाग नै औं दे चऊं दिनें दरान पूर्वी मध्य ते प्रासद्वितीय भारत च होली थमां मध्यम दर्जे दी बरखा पौने दी पेशनगोई कीती ऐ।

<><><><><><>

Campaign

बक्ख-बक्ख सियासी पार्टिं दे बड्डे लीडर मुख्खें दे केइए हिस्सें च लोकसभा चुनां च अपने अपने मेदवारें दे हक्कै च समर्थन करने लेई रैलियां करा'रदे न। भारती जनता पार्टी दे

वरिष्ठ लीडर ते प्रधानमंत्री नरेन्द्र मोदी होरें कल पच्छम बंगाल दे जलपाईगुडी दे धुपगुरी ब्लाक दी झुमुर थाहर इक सार्वजनिक मीटिंग लाई। रैली गी संबोधत करदे होई श्री मोदी होरें आक्खेआ जे ओ 2047 ब'रे तक्कर मुल्खै गी विकसित करने लेई हपते दे 7एं दिन 24 घंटे कम्म करा'रदे न। उनें आक्खेआ विकसित भारत दे सुखने गी सच्च करने लेई हुंदे जीवन दा हर इक पल मुल्खै दे नमित समर्पित ऐ। उनें आक्खेआ जे औंदे लोकसभा चुनाएं मगरा केन्द्र च इक सशक्त ते स्थायी सरकार औग। श्री मोदी होरें आक्खेआ जे केन्द्र च जिन्नी सशक्त सरकार होग, उन्ना गै तगड़ा दुनिया दा भारत पर विश्वास होग। एह्दे आक्खेदे होई जे भारत हून आतंक-मुक्त होई गेदा ऐ। प्रधानमंत्री मोदी होरें आक्खेआ जे दफा 370 गी खत्म करना, आतंकवाद-मुक्त कश्मीर दी तस्दीक करदा ऐ जेह्ड़ा भारत लेई इक गौ ऐ। उनें आक्खेआ बीजेपी दी अगुवाई आले एनडीए सरकार दिएं नीतिएं गरीब आदमी दी जीन गी सखल्ला बनाया ऐ। उनें हुकमरान तृणमूल कांग्रेस सरकार पर दोष लाया जे ओह राज्य च केन्द्र आस्सेआ शुरू कीती गेदिएं लोक-कलयाण स्कीमें दी अमलावरी च रोढे अड़का'रदी ऐ। श्री मोदी होरें आक्खेआ जे INDIA ब्लाक कश मुल्खै गी अगें लेइ जाने लेई कोई सोच नेई ऐ। दुए पास्सै तृणमूल कांग्रेस दिएं अध्यक्ष ते पच्छम बंगाल दिएं मुखमन्त्री ममता बेनर्जी होरें पुरुलीया लोकसभा हल्के थमां चुनां मैदान च खड़ोते दे पार्टी मेदवार शांति राम आहतो हुंदे हक्कै च चुनां प्रचार कीता। उनें आक्खेआ जे तृणमूल कांग्रेस राज्य दे विकास प्रति समर्पित ऐ। बीजेपी पर आरोप लांदे होई उनें दोष लाया जे नागरिकता संशोधन कनून तैहत लोकें गी उंदे घरें च कड़डेआ जाना ऐ। कल संजाप्रधानमंत्री मोदी होरें जबलपुर मध्यप्रदेश च इक रोड शो बी कीता।

<><><><><><><><>

PM-Maharashtra

भारती जनता पार्टी दे वरिष्ठ नेता ते प्रधानमंत्री नरेन्द्र मोदी होर अज्ज संजा महाराष्ट्र दे चन्द्रपुर दा दौरा लांगन ते चन्द्रपुर ते गढ़ाचिरौली लोकसभा हल्के थमां खड़ोते दे भारती जनता पार्टी दे मेदवारें दे समर्थन च चुनां प्रचार करगंन। मोखा हवाई अड्डे द मैदान च लगने आली सार्वजनिक बैठक च राज्य दे बीजेपी लीडर ते महाराष्ट्र च महायुति गठबंधन दे लीडर हिस्सा लैगनं राज्य दे जंगलात मंत्री सुधीर मुंगनतिवार चन्द्रपुर लोकसभा चुनां हल्के थमां मेदवार न ते इसलै गढ़ाचिरौली दे सांसद अशोक नेते गढ़ाचिरौली लोकसभा चुनां हल्के थमां मेदवार न। तोआई प्रधानमंत्री महायुति मेदवार राजू परवे दे समर्थन व इस म्हीने दी 10 तरीकै गी रामटेक लोकसभा हल्के दे कान्हन इलाके च चुनां प्रचार करगंन। श्री परवे नागपुर ग्रामीण थमां रामटेक लोकसभा लेई चुनां लड़ा'रदे न। पूर्वी विदर्भ दे नागपुर, रामटेक, हंदरपुर, गढ़ाचिरौली-चिमूर ते भाण्डारा गोंडिया च इस म्हीने दी 19 तरीकै गी चुनां करोआए जाने न।

<><><><><><><><>

Chatisgarh-PM Rally

भारती जनता पार्टी दे वरिष्ठ नेता ते प्रधानमंत्री नरेन्द्र मोदी होर अज्ज छत्तीसगढ़ दे बस्तर जिले च जनसभा गी संबोधत करगंन। मोदी होर संकल्प शंखनाद रैली गी संबोधत करदे होई बीजेपी दे चुनां प्रचार दी शुरूआत करगंन। पैहले गेड़ तैहत बसतर लोकसभा सीट पर 19 अप्रैल गर मतदान होग।

<><><><><><><><>

Lok Sabha 2nd Phase

लोकसभा चुनावों के लिए आसत नामांकन वापस लेने का अज्ज खीरी दिन ऐ। इस गेड़ च 12 राज्यें ते केन्द्र शासत प्रदेशखें दी 86 लोकसभा सीटें पर 26 अप्रैल गी वोट पाए जांगन। जम्मू कश्मीर गी छोड़ियै नामांकन पत्रें दी जांच आला कम्म शुक्रवारें कीता गेआ। दुए गेड़ च केरल दी 20, कर्नाटक दी 14, राजस्थान दी 13, उत्तर प्रदेश ते महाराष्ट्र 8-8, मध्यप्रदेश दी 7, पच्छिम बंगाल ते दत्तीसगढ़ दी 3-3, मणिपुर, त्रिपुरा ते जम्मू कश्मीर दी इक-इक सीट पर वोट पाए जांगन।

<><><><><><>

Congress WB

कांग्रेस नै कल लोकसभा चुनावों आसतै त्रै मेदवारें दी सूचि जारी कीती। पार्टी नै पच्छिम बंगाल च बनगांव थमां प्रदीप बिस्वास, उलूबेरिया थमां अजहर मल्लिक ते घाटाल थमां डॉ. पापिया चक्रवर्ती होरें गी मेदवार बनाया गेआ ऐ। भगवानशोला विधानसभा क्षेत्र दे उप-चुनां च अंजू बेगम कांग्रेस दी मेदवार होंगन।

<><><><><><>

ECI-Suvidha

निर्वाचन आयोग नै आखेआ ऐ जे लोकसभा चुनावों दी घोषणा दे बाद शड़े 20एं दिनें दे अंदर गै सुविधा पोर्टल पर 73 जहार कोला मते दरखास्तां आइयां न। सुविधा पोर्टल दी मदद कन्नै चुनावों प्रचार अवधि दे महत्व गी दिक्खदे होई रैलियां आयोजित करने, आरजी तौरा पर पार्टी दफ्तर खोलने, घर-घर जाइए प्रचार करने, वैन, हैलीकाप्टर ते गड्डी वगैरा लेई परमिट हासिल करने ते प्रचार सामग्री बंडुने दी परमिशन लेती जाई सकदी ऐ। निर्वाचन आयोग नै दस्सेआ ऐ जे हासल अर्जिएं चा 44 जहार 600 कोला मतिएं गी मंजूरी थहोई गेदी ऐ। पार्टीएं ते मेदवारें लेई इक बरोबर रूप कन्नै सुविधा यकीनी बनाई जा'रदी ऐ। आयोग नै आखेआ ऐ जे सुविधा पोर्टल चुनावों प्रबंधन च पारदर्शिता गी बढ़ावा दिंदा ऐ। सुविधा पोर्टल चुनावों आयोग आस्सेआ तैयार कीती गेदी इक टेकनालजी आली पैहल ऐ जेड़ी सुतंत्र, निर्पक्ख ते पारदर्शी चुनावों दे लोकतांत्रिक सिद्धांतें मुजब सुविधा उपलब्ध करांदी ऐ।

<><><><><><>

ECI

चुनां आयोग नै औंदे लोकसभा चुनावों च युवा ते शैहरी मतदाताएं दी हिस्सेदारी बधाने आसतै सोशल मीडिया पर केई पैहले ते अभियानें दी शुरूआत कीती ऐ। आयोग मतदाताएं तगर अपना सनेहा पजाने आसतै टर्निंग -18 ते You are the one अभियान राएं आर्कश विशे लोकप्रिय आइकन ते सरबंधी सामग्री का इस्तेमाल करा'रदा ऐ तां जे औंदे चुनावों च युवा ते शैहरी मतदाताएं दी गिनतरी च बाद्धा कीता जाई सकै।

<><><><><><>

CDS-Conference

सेना दे त्रौनें अंगें दा इक रोजा सांझा सम्मेलन संगारें नमीं दिल्ली च लग्गोग। परिवर्तन चिंतन नां दे इस सम्मेलन दा मकसद नमें विचारें, नमिएं पैहलें ते सुधारें पर जोर देना ऐ, तां जे फौज दे त्रौनें सीगें बश्कार नेडमा ते बेहतर तालमेल बघाया जाई सकै। सम्मेलन दी अध्यक्षता रक्षा प्रमुख सी.डी.एस. जनरल अनिल चौहान होर कर³न। एह फौज दे त्रौनें अंगें दे प्रमुखें, सैन्य कार्य विभाग ते इंटीग्रेटिड डिफेंस स्टाफ दे मुख्यालयें दा पैहला सांझा सममेलन होग। सम्मेलन च सेनाएं दे बक्ख-बक्ख स्तरें दे अफसर अपने तजुर्बे सांझ कर³न ते एकीकृत बवस्था गी कार्यरूप देने बारे अपने-अपने सुझा ते विचार रक्ख³न। रक्षा मंत्रालय नै दस्सेआ ऐ जे भारती सशस्त्र बल भविक्ख दे युद्धें लेई अपने आपै गी तैयार करा करदे न, इसी दिक्खदे होई संयुक्त अभियान लेई सेना दे त्रौनें अंगें बश्कार तालमेल गी मजबूत करने लेई केई पैहलकदमियां कीतियां जारदियां न।

<><><><><><>

Bihar-VP

उपराश्ट्रपति जगदीप धनखड़ होरें युवा पेशेवरें थमां 2047 तगर विकसित भारत बनाने दे जतनें पर सहभागी बनने दी अपील कीती ऐ। बिहार दे बोधगया च भारतीय प्रबंधन संस्थान दे 6में दीक्षांत समारोह च उनें आक्खेआ जे अज्ज दे विद्यार्थी ते युवा गै भारत दा भविक्ख न। धनखड़ होरें उविद्यार्थिएं थमां अपील कीती जे ओह भारत दी विकास गाथा च नमां ध्या लिखने आस्तै अपने कौशल ते प्रतिभा दा इस्तेमाल करन। एहदे थमां पैहले उपराश्ट्रपति होरें दीक्षांत समारोह च एमबीए दे विद्यार्थिएं गी डिग्री प्रदान कीती। इस मौके पर बिहार दे राज्यपाल राजेन्द्र विश्वनाथ भारतीय प्रबंधन संस्थान बोधगया दे अध्यक्ष ते निदेशक बी मजुद हे। उपराश्ट्रपति होरें बोधगया च मशहूर महाबोधि मंदर च पूजा अर्चना बी कीती।

<><><><><><>

IMD

मौसम विभाग नै मुख दे पूर्वी, मध्य ते प्रायद्वितीय क्षेत्रें च अगले 4 दिन तगर तेज हवा ते ऐन गड़ा पौने दे कन्ने हल्की थमां दरमेयाने दर्जे दी बरखा पौने दा अनुमान जाहर कीता ऐ। मध्यप्रदेश, छत्तीसगढ़, मराठवाड़ा, विदर्भ, झारखंड, पच्छिम बंगाल दे गांगेय क्षेत्र ओडिशा ते महाराष्ट्र च इस म्हीने दी 11 तरीक तगर गरज चमक कन्ने बरखा पेई सकदी ऐ। इस दरान 50 किलोमीटर प्रति घैंटे दी रफ्तार कन्ने हवा चलने दी सीावना ऐ। ओडिशा, मध्यप्रदेश, विदर्भ, छत्तीसगढ़ मे मराठवाड़ दी किश थाहरें अज्ज ते कल ऐन-गड़ा पेई सकदा ऐ। राष्ट्रीय राजधानी दिल्ली च मौसम अज्ज साफ रौहग ते तेज हवा चली सकदी ऐ। बद्धोबद्ध तापमान 36 डिग्री सैल्सियस दे कोल काल रौहने दी मेद ऐ।

<><><><><><>

Read: Promila Jamwal

Stand By: Shruti Khajuria

Editor : Yogesh Kumar

D.E.O. : Mukesh Gupta

Skilled : Rajat Paul

